



Bo cadena
di numbertan
di suerte ta duna
e number di awe

Sorteo di 22 Januari 2014



02 20 24
33 34 01 J



Signo: Taurus



0 4 0 0



1 4 1 2
2 3 5 3
2 1 6 5



18 19 23 25
29



03 06 15 27
Mega Ball 15



8 0 5 1
4 6 6 2
5 9 6 2

Stan Dabian di Departamento di Cultura

Lo bay tin cambio den programa di Dia di Betico e aña aki

ORANJESTAD - Nos ta dilanti di un actividad nacional cu ta Dia di Betico y ken Gilberto François Betico Croes ta. Gilberto François Betico Croes ta un gran estadista di Aruba cu Aruba conoce den su trayectoria. Betico a nace dia 25 di januari 1938 y a fayece riba dia 26 di november 1986. Betico ta bin for di e bario di Santa Cruz. E tabata un persona social y masha stima den nos comunidad. El a studia pa maestro di scol y na un edad relativamente hoben el a drenta den arena politica. Betico tabata kier pa cada Arubiano sinti su mes orguyoso di ta Arubiano. Y cada Arubiano mester ta orguyoso di su famia, idioma, su cultura, su himno y su bandera. Prome cu su lucha a termina, Betico a percura pa tur cos keda regla. Solamente el a desea di por sigui cu e lucha y Betico a pidi e tempo aya na varios ocasion cu si "mi cay na caminda, gara e bandera y sigui cu e lucha". Su lucha a termina riba dia 26 di November, 1986, pero locual el a laga atras pa nos ta



locual cu ainda nos por mira y ta un celebracion cu aña pa aña nos ta celebrando riba Aruba cu nos mester laga nos yunan y yiu di nos yunan sa di un actividad asina grandi. Esey cu ta marca riba e desarojo cu ta tumando luga den nos pais y cerca nos pueblo.

ACTIVIDAD

Segun Stan Dabian di Departamento di Cultura, pa diasabra awo, riba dia 25 di januari, nos ta bay tin actividad riba Plaza Betico Croes. Tambe kier a invita pa henter e pueblo di Aruba pa acudi na tur e actividadnan cu tin den e barionan di Aruba. Nos

tin diferente actividad, tanto cultural y actividadnan di deporte cu si tur cos bay bon pa diabierna of diasabra, lo saca un calendario di actividadnan, pa asina pueblo por sigui esakinan. Esunnan cu tin actividad den bario por manda esaki ainda e programa pa asina Stan Dabian na e e-mail stan.dabian@gmail.com of por tuma contacto cun'e via departamento di cultura na 5822185, pa asina por sa di actividadnan cu ainda por pone den e calendario cu tur aña DCA ta saca pa loka ta e actividad y celebracion grandi aki di Dia di Betico.

PROGRAMA

E atardi aki lo cuminsa for di 5'or, caminda cu lo bay tin himno di Aruba interpreta pa Grupo Rondaia y canta pa Srta. Hylianne Croes. Lo bay tin entrada di scout, grupo scout cu e bandera, trompetistanan di Arumil y tambe despues lo bay tin ofrenda floral. Esaki ta wordo presenta di parti di Parlamento di Aruba, gobierno di Aruba, famia Croes, fundacion

Betico Croes. Despues lo bay sigui discurso di S.E. Minister di Cultura, Sr. Otmar Oduber y sigui pa discurso di miembro di famia cu den e caso aki ta yiu di Sr. Betico Croes, en feliz memoria, Sra. Glendeline Croes. Despues lo tin discurso di S.E. Prome Minister di Aruba, Sr. Mike Eman y despues lo bay tin presentacion di dos cancion di Grupo Rondaia. Asina ta yega na e parti di clausura pa 6'or di atardi. Pa e parti protocolar.

Tambe a trece dilanti cu e aña aki Departamento di Cultura a trece cambio den programa, caminda e mandatario y famianan lo hiba palabra durante e acto protocolar y despues e acto cultural lo ta un acto festivo. A tuma contacto cu e famia di Sr. Betico Croes, caminda cu lo bay haya un toke carnavalesco. Mas cu claro, mirando cu e aña aki Betico ta importante, pero den e cuadro di carnaval, ta 60 aña di carnaval y tambe ta un fecha masha importante den nos cultura di Aruba, segun Dabian. □

Programa di manifestacion cultural lo ta uno varia

ORANJESTAD - Diasabra awo, dia 25 di Januari, dia di Betico, lo bay tin e manifestacion cultural despues di e acto protocolar cu lo ta pa 5'or di atardi. Esaki ta priminti di ta uno varia pa presentenan.

PROGRAMA

Segun Sr. Chencho Kelly, e parti di manifestacion cultural lo cuminsa pa 6'or y mey, caminda cu lo tin e maestro di ceremonia, kende lo participa na tur e invitado

y mandatarionan presente pa nan por pasa banda pariba, banda di e stage.

Eynan lo haya presentacion di un steelband. Despues ta sigui pa e cantante infantil, Xenon Daal. Di tres lo bay haya grupo di baile Cultura, bao direccion di Judith Martha. Despues lo bay haya Sr. Miguel Genser. Di cinco lo bay tin The Superdancers, bao direccion di Magaly Croes. Despues ta bin e com-

binacion cu e actividad aki, cual ta e parti d carnaval, caminda cu lo bay haya banda Youth Extreme. Despues lo bay haya Dushi Band. Lo bay haya trahe di diferente grupo di carnaval y tambe pa ceramento di e programa lo bay tin Claudius Phillips y OREO, caminda cu e programa lo wordo cera.

PARTI CULINARIO

Por bisa cu durante e actividad aki lo bay tin diferente

tent cu lo bay tin cos dushi pa bende y cuminda crioyo y artesanía, di cual Direccion di Cultura ta haci invitacion na henter e comunidad Arubano, pa asisti, dia 25 di januari, pa 6'or y mey, caminda e manifestacion cultural lo cuminsa. Ta spera pa tin un masa grandi pa e dia ey. Ta un dia pa recorda y esey ta bin despues di e parti protocolar cu lo inicia pa 5'or di atardi. □